

桂平縣志

卷三
卷四
七至

桂平縣志卷三十四

紀人

賢能傳

舊志云志乘有人物一類記鄉人之善者謝中丞省志謂舊志記載人物而尊之曰鄉賢不知此乃俎豆之專稱非志乘之所可私許因而改鄉賢爲列傳而傳無主名攷之古今史傳中固有善惡兼收賢奸並載者使志鄉賢而以列傳槩之則褒美之意未能一目了然其言踳矣鄭獻甫象州志則篤依謝例其言曰一方之志非比一朝之史安可屑屑分配後來作者聞其言而效之於例非妥善也夫人之材性互有長

桂平縣志卷三四

紀人 賢能傳

一

粵東編譯公司承印

短故聖門設教有德行言語政事文學之科馬遷作史則儒林循吏而外如扁鵲日者龜筮咸各爲專傳若如謝鄭所主則掛漏必多况咸同之間大江南北風雲震蕩究其起始實在縣北一隅如韋楊諸人行事爲通國所注目斷無不爲立傳之理然若同括於一門又嫌去取矛盾是不能不分別部居矣鄭氏言卽成理亦未可泥也今依舊志先列賢能餘亦分立主名次第以類相從舊志云束身規矩賢也留心經濟能也今廣其說謹身愛衆賢也才智兼優學求實用能也編纂之旨拳拳在斯若如今人之言有治法無治人並欲揚老氏不尙賢之波此則中毒於申韓非所敢同矣

漢養奮字叔高鬱林布衣和帝永元六年三月詔陰陽不和
水旱違度令三公中二千石二千石內郡首相舉賢良方正
能直言極諫之士各一人遣詣公車奮舉賢良方正對策曰
天有陰陽陰陽有四時四時有政令春夏則子惠布施寬仁
秋冬則剛猛盛威行刑賞罪殺生各應其時則陰陽和四時
調風雨時五穀升今則不然長吏多不奉行時令爲政舉事
干逆天氣上不恤下下不忠上百姓困乏漠下卹哀衆怨鬱
積故陰陽不和風雨不時災害緣類水者陰盛小人居位依
公營私讒言誦上雨漫溢者五穀有不升而賦稅不爲減百
姓虛竭家有愁心也卒祀鄉賢府志

桂平縣志卷三四

紀人 賢能傳

二

粵東編譯公司承印

府志按通志云後漢五行志桓帝延熹元年五月京都蝗
注引養奮對策曰佞邪以不正食祿響所致獻帝初平四
年六月寒風如冬時注引養奮對策曰當溫而寒刑罰慘
也皆和帝時奮對策語而劉昭雜引之也

宋陳坦然字正平潯江人舉進士不第景德中宜州兵殺首
帥脅判官盧成均以叛僞稱南平王擁衆攻象州坦然單騎
行賊圍爲書約矢射成均帳下爲陳禍福成均得書欲歸計
未決而官軍至城乃全又別將趨容境坦然入語容守陳延
賞願入賊諭以逆順於是率首領詣降賊平有旨令赴闕不
受賞願就殿廷試知漳浦縣收縣政績彰彰

據輿地紀勝
文載陳坦然傳

云梧州人博學善判官盧有成均畧舉進士稱南平鄉里景德中
宜州兵殺守帥善屬官盧有成均畧舉進士稱南平鄉里景德中
人攻象州坦然禍福時象郡疎弱無守備將陷者數矣成均射得
均帳下為歸順計未決而坦然入語容守全賊延賞別遣一屯分
掠南路由趨容境所至摧陷坦然入語容守全賊延賞別遣一屯分
悍逆以當使解甲而歸我矣遂去賊壘數十步從馬直營為
以難順使解甲而歸我矣遂去賊壘數十步從馬直營為
言本朝正朔被四海賞何苦草間活是有時賊中偽惡補苟能束
身改圖自當榮以爵賞何苦草間活是有時賊中偽惡補苟能束
之職陳郡降賊私心腹皆不戰而潰賊平於是功大將以甲聞卒
數百詣郡賊失相語曰此飛檄也於論率首領以甲聞卒
中旨以就本殿試朝命嘉與官仍賜錦袍聞奏途被病且願遭
前旨以就本殿試朝命嘉與官仍賜錦袍聞奏途被病且願遭
家艱以歸服闋丞卒其在州遷也徒不桂州幕卒五太子
贊善大夫殿中丞卒其在州遷也徒不桂州幕卒五太子
材以修守具郡帥會賓客飲於堂告變者曰當閉城以虎翼挾
刃羣譟入屯營為逆在座相顧失色郡帥曰當閉城以虎翼挾
五力鬪適坦然堅屏人語耳若誘而致之擒之無患乃就擒日直
必力鬪適坦然堅屏人語耳若誘而致之擒之無患乃就擒日直

桂平縣志卷三四

紀人 賢能傳

三

粵東編譯公司承印

數人直趨其屯責亂其主校苛刻今乃復人命乃慰問其勞苦叛
卒環泣曰苦則思亂其主校苛刻今乃復人命乃慰問其勞苦叛
為再造矣皆釋仗隨
坦然歸帥亦原之

府志按坦然通志引文載作梧州人而輿地紀勝作潯江
人明一統志大清一統志同或梧或潯無關輕重然王象
之所採必本之余襄公靖墓誌襄公以仁宗皇祐四十年
七月經制廣南坦然射書盧成均在真宗景德四年七月
相去僅四十餘年襄公以宋人誌宋人之墓象之則以宋
人引宋人之文見聞應不致悞且就文載而言明曾省身
桂平學記中引潯人士以坦然與梁詔並舉其為潯人不
問可知乃坦然則編梧州坦然之墓誌則編潯州顯相矛

盾尤屬可疑謹錄之備參考

明王顯中洪武中遊太學有聲授交阯諒江府同知以勤能

著擢新平知府卒於官吏民思之錄舊志並參府志

龍淵洪武中歷良鄉嵯縣知縣以才能擢監察御史風裁凜

然出為懷慶知府有德政以循良稱葬軍陵里下渡頭村紫

蘇河濱 國祿軍陵里臘嶺村人淵之子萬歷乙未進士授

福建海澄各縣澄為漳之朔邑濱海多珍貨豪右漁獵其中

又權使時至為閭閻害國祿獨持清介不撓法阿縱民甚德

之會有中之者民騰喧撤業遮留兩臺交疏請數月始得潛

去共立祠祀之累官重慶惠州岳州知府皆有善政以忤時

桂平縣志卷三四

紀人 賢能傳

四

粵東編譯公司承印

而罷著有向若篇泚澥緒言文載祀鄉賢葬吉大一里原村君子嶺據舊志並參府

志

吳紹祖字汝孝正德丙子舉人新會知縣以直道齟齬遽解

組歸絕足公門子為訟誣亦不為白鄉飲屢舉大賓辭不赴

有司禮問翛然引退年八十終清朝雍正甲辰祀忠義府志

馬文祥字時明廂人幼與弟文奇力學文奇嘉靖乙酉舉人

文祥由拔貢生授文昌知縣裁省珠池採珠冗費力禦海寇

母卒起復補萱城肅皇帝南狩駐蹕霖雨連夕文祥百務悉

備稱上意擢南京戶部主事後出理鳳陽諸倉奏最乞休歸

卒著有西園傳羨錄又萬歷間有馬堪者由貢生官禮部主

事神宗錫敕旌表清朝雍正甲辰與文祥同祀忠義志府

蔣學成厚祿里大良村人舉人蔣錦子嘉靖辛酉舉人知桂

陽州政尙平恕嘗刻小學日記省民格言又於南北門外立

社學教民卒於官民為流涕肖像祀於鹿峰志據舊修

陳文明以歲貢入太學除福建松溪丞時嘉靖壬戌倭分道

入閩自溫州登陸所經福安壽甯政和三縣俱破十二月抵

松溪勢張甚令欲棄城去文明謂城完固塲圃初畢餘蓄可

守乃集邑民乘陴分守自居北面閒出兵數與賊戰殺傷畧

相當令與倭議和括民間金帛且出酒醴以宴賊賊笑不食

進金帛不受酬以倭刀一文明曰是欲屠吾城藉令不幸如

桂平縣志卷三四

紀人 賢能傳

五

粵東編譯公司承印

政和丞為賊所嚮食亦分也勢必死眾感憤下涕二十二日
賊詐以別梯緣南城而擁雲車自北進車上作轉輪飛梯未
至數丈輒掀梯城上眾畏懼稍退文明戮先退者有張德者
砍一賊下一賊繼上又砍之眾謹呼而前賊氣沮遂下礮石
拆其梯收民間竹鐙箠然之擲其車上火熾不能卒滅遂灰
其車賊死者甚眾相持凡三十五日賊忿以為自海洋登陸
未嘗受屺若此拔營去文明以功擢廣東咸恩知縣清朝雍
正甲辰祀忠義魏濟西事珥陳文明金城蹟畧陳丞公名文
明潯之桂平人以明經太學除松溪丞時嘉
靖壬戌倭分道入閩有三千人自混州登陸所經福安壽甯
政和三縣不二浹旬俱攻破遂以十二月初一日抵松溪甯
甚張意可蹂而人有餘蓄勢自可守何忍棄之乃集邑頗完固
今塲圃初畢城中

未備而溲柳曹細未見志冀以間蹤迹久之亡所聞如此念未還了報有遣
僮歸里命兒曹善夫賈達事人也亦嘗去意尋訪所居善夫有
古井過者暑渴則就飲坐磐石少憇乃去以為常一日善夫有
方解衣盤薄一疎籬之內見一老者就井飲畢坐石上笑語
同坐者曰有異事吾少時常事舊丞陳公今老矣昨偶夢
公來此善夫即披衣出問之曰汝云何老者曰予名夢文所事
舊丞陳公異之故爾善夫曰舊丞謂誰老者曰陳公予名夢文所事
昨夢見金也少時為公門役曰命已來十餘年吾亦七十往矣
老子曰公溇州桂平縣人居在郡後為瓊州府馬感恩縣知縣有
善夫喜甚遂作書報予邑中依一傳以爲異謂公功德近在
松血食饗祀於此神靈猶依一傳以爲異謂公功德近在
校士至柳王之司訓敦化公號靜軒在其事詢之不知其邑先輩
有此人矣久之來報云公號靜軒在其事詢之不知其邑先輩
歸數年卒子繼衣天歿府志
嗣餘俱與所述同

李嘉言成化丁酉舉人由教職擢蘇州府同知郡屬糧長多

桂平縣志卷三四

紀人 賢能傳

七

粵東編譯公司承印

逋負率賂官以免有賂嘉言千金者即發之正其罪以前金
充所逋負糧長悉服爭輸恐後積弊遂清擢江西僉事見甯
王有逆志遂移疾歸棲白石山結廬養病浩然無用世之心
濠敗進階參議金通志 清雍正甲辰祀忠義府志

甘振字大聲中秀里西岸村人後遷居石井村宏治丙辰進
士歷官南京戶部員外郎尚書而下交譽之監收揚州船料
適貴人過揚有所請振正色曰此國法也君安可干吾聽之
且連坐矣其人拂然去遂移疾自免尚書謂曰何遽爾對曰
家有老母萬一窒罪網將置母何地語訖泣數行下尚書知
不可奪聽之去道中聞母卒伏號嘔血幾絕服竟不仕居白

石山學者執經就講甚衆其詠武靜舊州詩云江上浮雲宿
雨晴中原誰復誓澄清虎符此日千金重雉堞何時百堵成
要使皇天知漢德終令南土識天聲從今記得經行處野水
孤帆夕照明蓋罷歸後咸時而作也

舊志并
參府志

梁廣達原籍廣東有才諳韜畧崇禎十七年闖賊陷京都兩
廣總督丁魁楚與廣西巡撫瞿式耜立桂王由榔於肇慶廣
達選鄉中精壯子弟數百人自東西上勤王王大悅授功曹
使清兵陷廣州自肇慶至平樂諸郡俱失守廣達率甲士八
百人收復梧州平樂清兵敗退臨賀其已至湖南者亦氣沮
不敢進廣達乃守蒼梧鎮關隘厲兵抹馬聲威媿於李牧居

桂平縣志卷三四

紀人 賢能傳

八

粵東編譯公司承印

趙無何諸臣植黨營私功臣尤遭猜忌廣達遂引軍百餘騎
紮於藤縣大水山清兵復至縣疆圉日蹙王遷奔廣達扈駕
到潯遂辭去隱居縣南下都里梁村果行傳梁瑄子孫皆其
後亂

采訪

清黃毓奇幼通經史沉毅多知略明末闖賊煽亂兩江騷動
民無安枕毓奇知城南白石山地勢險峻遂移家傍谷而居
邑人避亂相率依附者千有餘家毓奇見來集者衆將近山
田地教以耕種婦女教以紡織老弱者給以粟疾病無措者
餌以藥暇則訓習擊刺康熙八年邑人楊奇清以妖術惑衆
郡侯劉浩謀於毓奇毓奇募鄉勇數百人爲之守禦十三年

偽將王明欲行劫掠毓奇復破家輸金多方籌畫王明於是不得肆毒於潯十七年土寇易天章結黨千餘欲掠下都各里毓奇率衆以計禦賊大敗之

据舊志修

劉派洪字源長廂人幼孤事母孝康熙甲寅潯城遭兵變洪負母避難母沒居喪盡禮撫幼弟弟沒撫弟子如子郡守劉浩慕其學行聘請掌教潯士多從之遊以拔貢生授北流縣教諭卒祀忠義 子傳恭字允菴由歲貢歷任荔浦脩仁思明訓導陝西慶陽府經歷慷慨好善丁丑癸巳潯飢嘗出穀賑之傳讓歲貢生孫聖發亦拔貢聖父幼穎悟十歲能文十三補學生十七中雍正癸卯舉人官山西長山知縣矢志清

桂平縣志卷三四

紀人 賢能傳

九

東粵編譯公司承印

白兩充鄉試同考官多得知名士乞養歸襍被蕭然慕陶元亮之爲人自號慕陶著有四子集解行世 業書恩貢生從兄業勤任揭陽以業書主會計揭陽故大邑及歸兄問所私曰止所給數十金耳兄訝之對曰入扣三是紵兄也出扣三是剝民也某弗爲兄厚贈之其後族人賣祀田脅使署券弗能禁乃陳所分金哭諸祠去而弗顧

舊志并參府志

謝天佑宣二里王舉村人康熙丙辰回子馬雄作亂擄掠至邑內崇姜里甘村衆危且懼天佑挺身見賊說以利害賊遂止事後代窮民納差糧嘗修大黃江自良四埠至崖龍百餘里通舟楫並資灌溉鄉里賴之卒祀鄉賢

陳以績布政司理問豐於財嘗與天佑捐金開河且平獠山口諸嶮峻所費不貲

羅光臨宣一里采村人康熙間任汜水知縣縣當編審之期墓田一體陞科不能耕耨者苦虛賦光臨勸請豁免又爲縣詳廣學額士民勒石誌德調陳留值大雨連月漂沒田禾白大府賑恤存活甚衆擢開封上南河同知士民顛留如失怙恃署衛輝府境內蝗大起率衆撲滅大府以詩寵之黃河水暴漲籌萬金堵築復請疏濬開挖引河二道自是民無河患引疾歸卒於家雍正甲辰祀忠義府志愷元字恕堂光臨後人增生光緒二十八年知縣彭言孝創辦潯州首邑團練仿

桂平縣志卷三四

紀人 賢能傳

十

粵東編譯公司承印

曾國藩湘勇成規以邑諸生有聲望者充管帶知愷元可用聘書頻下不能却報以柬云一介儒生自安耕讀咸公一日之知願捨身爲地方出力遂受任卒爲匪所忌被戕而死年四十八邑人悼之入城鄉忠義祠采訪

劉萬宣字熙誠宣二里人康熙間歲貢生幼讀書孝友歷象州訓導全州橫州學正所至文風輒爲一振擢河南扶溝知縣調太康縣政簡刑清士民咸戴雍正甲辰祀忠義舊志並參府志

陳虞基字紹中號閩山居崇姜里渡頭村雍正十三己酉拔

貢生舊志作乾隆元年篤學力行院試屢列前茅北闈數薦不售以

雙親老假歸孝養如禮主講潯陽書院勸課士子先立品後

文藝士風爲之一振子元士良士純士純士乾隆庚午舉人江西東鄉縣知縣元士壬申舉人良士字穀亭亦壬申舉人幼聰穎父督之嚴每讀書日以錐所刺爲課程長遂淹通六經諸子主桂邑書院每日登講席必衣冠爲諸生解說諸生有所請亦必衣冠以進不能具者必假之而後見鄉里稱曰陳氏禮及門如桂平賴文龍林喈鍾今英黃啓聰平南袁珖皆一時知名士後官福建詔安知縣罷歸仍主書院一日方升堂以詔安帑累得旨籍其家且逮福建置法其子聞命遽倉皇告良士乃從容講畢始退明日就逮諸生白衣冠送河千數百人同聲大號聞者哀之時福建同逮七十二人獨良

桂平縣志卷三四

紀人 賢能傳

十一

粵東編譯公司承印

士與一人者遣戍餘皆斬於市良士配烏魯木齊死戍所初詔安署有一櫝封鏽甚嚴云儲銀一萬六千兩前後流接以爲常無驗其僞者良士坐是虧累替人受遣卒免刑亦天道也縣令吳志瑄聘修資治圖志 光緒間有恩賜進士名岱錕亦虞基宗胤別見師儒傳子鳳誥字紫元出繼伯父以生父庭訓中同治癸酉舉人大挑浙江知縣兩迎養德清石門以仁孝爲治所在有政聲

据舊志並參府志

曹厥恒字惇五上秀里浪灘村人雍正四年丙午科舉人大挑二等授平樂縣學教諭越九年陞柳州府學教授再五年丁艱回籍服闋補慶遠府學教授時年六十二以老辭居家

授徒進士曹兆麒舉人葉元勳李開葱與弟白暨黃陽昶潘漢型陸槐潘祖訓諸人皆出其門邑內數百年師道之興自厥恒始銳意爲鄉黨興除利弊里有浪塘北基兩處水患最鉅爲築堤堵禦復開拓下灣市場招徠典商以振民業地方至今稱之年七十有七舉生平所躬行者輯爲一書以訓子姪人爭誦之爲鏤板行世八十一終於家弟厥德厥子皆庠生

陸顯仁字樂山居上秀里南喬村以乾隆癸酉歲貢檄訓導不就少以天下爲己任年甫壯卽棄矮屋技究心諸子百家作孫子十三篇注將略十六卷輯天文書十二卷政治錄十

卷與荆山羅氏渡洞庭遊鄭衛覽古名勝逾河至京結交當時名公無所得志歸而遊桂林挾所著書上撫院得加羨然弗敢薦也古州苗匪不靖上征勦安三策於郡副將亦知而不舉自以數奇不復遊潛究五經學庸論孟及周程張邵朱子各書冬不爐夏不扇目覽手揮無須臾歇復著格物廣義約二十萬言易經評義約四十餘萬言壽九十一歲子六人歲貢三恩貢一授徒十餘年成材者進士一舉人四拔貢一任知縣者二其餘遊庠食餼者不可勝數

以上訪冊

曹兆麒字飛囿趙里曹村人誕之夕父夢麟入室故以爲名博聞強記能文章縣府院試皆冠曹由拔貢舉人中乾隆壬

戍進士授河南新鄉縣以廉慈著宦情素淡辭歸行橐蕭然
士民遮留之

据府志修

黃廷組字玉亭宣二里人乾隆十五年庚午武舉選衛千總
少質魯廢學及公車至京師與衆文士遊心慕之歸而刻志
讀書遂通史策明大義辨晰是非雖老儒亦多讓之貌雄偉
性剛方排難解紛處決了然家中貲能裁節自給無苟取
兄弟四人殊友愛有紫荆山祀田爲立規約以文行忠信分
列四房共保祖業垂百餘年

據舊志修

陳璵字右玉號崑山居厚祿里陳村弱冠補弟子員旋食餼
試輒高等中乾隆三十年乙酉科第三名舉人三試春官不

桂平縣志卷三四

紀人 賢能傳

十三

粵東編譯公司承印

第授徒於鄉問業者趾交錯多獲成材旋以大挑二等官懷
集教諭諄諄教諸生以存心之學後宰直隸欒城慨然曰斯
吾爲政時也下車政教兼施四民俱惠欒當畿南孔道值乾
嘉間教匪爲患官軍往來民苦于役璵不忍累民多方恤護
紳民咸感之嘉慶三年卒于官欒人稱爲太平保障云仲兄
琚子尙易姪尙平皆諸生

訪册

林階廂人三歲失怙母羅守志撫育紡績課讀督責惟勞中
乾隆辛卯舉人大挑知縣改教職歸養選昭平教諭會交趾
亂朝廷用兵以轉餉功保升知縣母老不謁選歷南甯泗城
桂林教授長官器之尋乞養歸葺先人祠墓立義學鄉人以

爲典型府志

麥賢煥號炯堂居廂內南城角乾隆間歲貢偉軀豐髯道貌儼然父早故事母依依孺慕兄貿易城外煥每自館歸必到兄所相助愉愉然懽內訓尤肅破屋一間前授生徒後居婦子半屏之隔終日不聞闔內聲門生親舊或歲時登堂拜母則兄弟扶掖以出宛中關白溫如也同輩有評隲人物者語多苛至煥則徐徐曰是誠孝友也爲人忠信有威儀識與不識咸見而敬畏之放者或引避以去不敢戲謔於其前當道議舉賢良方正辭不就嘉慶己未郡人舉於學使錢楷董修試院錢碑以嘉之略云善人麥某之稱采輿論也後因捐簽

桂平縣志卷三四

紀人 賢能傳

十四

粵東編譯公司承印

之項收取不完賠墊致累由是家益窘且年老不能設館往日受業紳士之家各捐囊爲之籌日用其有改業爲吏農工商者年節必致脯貲盖善氣之咸有如此据舊志及府志修

黃體正字直其號雲湄宣一里古程鄉人優廩生晨之次子也少孤貧力學以文行顯舉嘉慶戊午鄉試第一人座主吳壽庭以其集携京師徧譽館閣諸鉅公自是名益噪後司訓桂林巡撫祁竹軒每接見禮貌絕僚屬使擬科場條例行數十年不改同時粵藩爲周釋圭亦心折之及開府千里走書幣聘主經古書院蓋體正時已致仕也其見重公卿間如此性孝友而介動遵禮法甫長與兄體誠課徒供母母忘其貧

母歿與父合葬其鄉有巨族强穴墓後爲陶體正奔告跪泣其人咸動遂止年且老執弟道甚恭出入必稟命然後行領解時有縣役與體正同姓倚勢炎熏灼人諷體正以宗属見厚貲以行體正怫然不顧閨門之內若大廷子弟小有過督責不少假借後進有來謁不衣冠不敢見也朔望則率鄉鄰集社中朝服宣讀仁廟聖諭十六條畢乃更衣談往事爲勸戒有以游蕩告則召其父兄切責之一時井里無狎邪飲博風先是辛未歲紫荆山客民謀爲亂體正乘亂未發密詣縣陳利害先事解散洎道光乙未丙申間邑中會匪蠢動聚且千餘人體正隨編保甲聯安良約防之卒不得逞時承平久

民不知兵卽有殺掠長吏匿不以聞體正蒿目時事惕然深憂所上當道諸書計慮甚至當時不能用體正歿後數年洪秀全起事於金田金田去體正居僅十里其始衆止數百乃竟一發而勢漫大江南北軍興十數年始定清世論者益追思體正不置初體正家居教授潯南北名孝廉多出其門五應禮部試不第遂由大挑二等借補遷江縣訓導調西隆州學正桂林府訓導屢膺計典垂老擢國子監典籍引疾歸築帶江園著書自娛長吏有所咨輒造廬商可否以爲常先後主全州西隆桂平桂林各書院學者宗之乙巳卒於桂林經舍年七十有九生平與平南梁佩亭袁醴庭灌陽陸龍川諸

子交諄諄以道義相切劘所學益邃爲文樸實說理與榕門
相國培遠堂集爲近手定家規族約鄉約各條皆適於用初
學詩於進士潘鯁卒卓然能自立感時攄憤情見乎詞其燕
京雜詩云趙北河山溯舊封霸圖曾抗帝西東憐才骨亦千
金買失手名猶一劍雄流水似聞人擊筑荒臺祇剩鳥呼風
遙瞻海氣蒼茫處難問當年碣石宮檀樹山前北伐勳尙餘
烟柳碧紛紛天低古國迷孤竹地拓邊城鎖密雲大漠風張
鷗鶚勢平原草散駱駝羣來從拒馬河干過蘆荻蕭蕭又夕
曛虎踞龍蟠勢壯哉遼城金壘舊京開層樓寶髻梳雲出萬
馬秋風校獵來螞蟻墳高啼故鬼芙蓉殿圯繡蒼苔銷沉兩

桂平縣志卷三四

紀人 賢能傳

十六

粵東編譯公司承印

代多遺跡值得悲涼咏史才內府琵琶出塞聲酒神仙向醉
中聽笙歌漸逐天魔散祠宇猶傳太乙靈無復寶燈明玉漏
也曾莎草植宮庭石人眼內光如此應見湖山照舊青不信
峯頭石甕移盛衰消息可能知一朝才盡東林黨兩疏名留
武部祠粉子欄邊花事冷兔兒山上曲聲悲變遷何處無陵
谷烟樹蒼茫獨對時共贊皇圖歷世悠星羅宿布拱神州山
連紫極憑天作水會東瀛見日浮萬里車書風雨集五雲宮
闕鳳凰遊江湖亦有間鷗鷺夢繞烟波太液秋北斗文星夜
有光曉開蓬閣影蒼蒼名經作筏登千佛飛絮隨風散一場
過夏心情真穉穉繞城山色自清涼眼前塵海茫茫熱誰解

調冰勸客嘗銅馬坊頽策馬過前朝碑碣幾摩挲偶然縹緲
如雲耳無數纏綿奈柳何索米算來相識少歸心想入秋
多誰知薊北單衣薄聽取黃滔下第歌又有江樓書懷四章
蓋爲林文忠虎門一役而作也其一云重洋消息近如何撫
景蒼茫拍檻歌巾樹雲烟飛燕雀掀天波浪嘯龜鼉殘春漠
漠餘寒勁雙眼蒙蒙老淚多間道威靈眞獨斷虎門蛟窟洗
東倭四首悉悲歌慷慨上林張鵬辰通政至以老杜忠愛比
之著帶江園詩草六卷雜著六卷小簡一卷時文一卷桂平
縣志六卷光緒間邑紳黃榜書具稟請崇祀鄉賢

錄賴鶴年黃雲湄先

生傳並
參攷府志

桂平縣志卷三四

紀人 賢能傳

十七

粵東編譯公司承印

楊侃字榕村宣二里李村人其父士超弱冠失怙事母撫弟
曲盡愛敬設立鄉規戒游蕩賭博諸不務正業人卒多改行
歲凶貧民無所得食爲給薪米振其乏有負不能償者焚其
券人或婚葬無所出輒貸如數里居救患息爭事雖極難得
士超一言必釋鄉有三界廟權其資積近千金分毫無所私
死之後凡廟祭必書其位配之鄉人至今以爲故事侃中嘉
慶庚午舉人歷署湖南道州永明華容諸州縣潔己愛民育
才勸農課多最長官稱之曰公愼敏達循吏才也補藍山縣
勦湘鄉會匪殲賊魁藍民立石志去思著有宦海漫吟
孫鈞培少以諸生隨侃官湖南侃出千金購書授之紅巾亂

貧甚無以爲生嘗釣溪潭終日不獲一魚其妻使市落花生
甘蔗爲活日手一卷啖者不與值不知也其爲學專一如此
同治癸亥成進士簽分直隸卽用知縣卒於京

黃應彰中都里八百村人勵學好善十三次省試始由副榜

中丁酉舉人

嘉慶無丁酉乾隆丁酉無其人疑有誤

嘉慶二十年邑中

糧米石徵銀五兩胥吏叫囂隳突所在逋累應彰集里中士
人上書籲減往復數千言卒得請公私至今便之

高瀚廂外橫街人父士權見果行傳瀚廩生工詩儒而俠有
孝行父歿友愛昆弟族黨無間言咸豐初土寇滋亂瀚屏帖
括究經世學知府李孟羣引爲上客艇匪任文炳犯城爲知

桂平縣志卷三四

紀人 賢能傳

十八

粵東編譯公司承印

府游長齡籌防禦策覃七之亂城中不法者欸賊爲內應瀚
訶之告知府劉體舒佯與不法盟以誘賊近則轟以礮斃賊
千餘人城賴以全五年艇匪梁培友圍城三月餘食盡城將
陷偕知縣李慶福縋城說賊曰金錢惟所欲毋屠吾民身齎
粉不惜也明日城陷爲賦憤盜篇以見志又撰離黍篇蓋傷
時也賊踞城七年巡撫勞崇光以三千金募能復潯者瀚於
是毀家集練勇先官兵一日克城統領蔣益澧繼至抑令後
期報不從怒械之總兵李揚陞慰解乃已事平崇光移督兩
廣如約勞以金不受乃保知縣同治初謁選以母老歸卒於
家著有餘生草可室吟草熱血草觀瀾草慨餘草未信草息

鵬草萍寄草媧石草披襟草楹帖筆存等書孫鑫增生亦工
詩能不墜其家學府以上志
傅榮勛字松垞道光戊子舉人署陝西中部知縣漢陰廳通
判補雒南知縣所至案牘躬親幕吏不敢可否事去後民輒
懷之

黃獻錦字繡江上秀里蓮塘村道光甲午舉人事母孝兩屆
大挑或勸之曰古人不以三公易一日之養吾敢以一仕貽
母憂乎歲庚戌流冠滋擾倡集團練堵擊爲賊所敗遂奉母
居白石山三四年間時時出團邀賊賊不敢犯乙卯潯城陷
獨白石一隅屹然來歸者環山而居乃聯下秀平南衛安諸

桂平縣志卷三四

紀人 賢能傳

一九

粵東編譯公司承印

團爲聲援或破賊巢散脅從所在有功同治初截取知縣借
補甘肅庫大使尋保知州卒於官 獻銑字麗江獻錦弟佾
生咸豐間因寇亂辦團聯族鄰築堡東山避亂多藉保全並
率團攻破蔴垌墟匪巢給六品功牌以長子捐職請封奉直
大夫壽八十歲妻陸氏誥封宜人繼室李氏現年八十二歲
孫曾男女四十餘人稱繁盛焉 獻鈞字曉江獻錦弟附貢
生咸豐間與獻銑辦團禦匪倡修宗譜創立白石賓興後加
捐翰林院待詔復捐中書科中書以姪守正官刑部貤封奉
直大夫晉封中憲大夫妻莫氏貤封宜人晉封恭人 守正
字清臣獻錦子性聰慧勤慎爲文斐妮多姿致尤長於詩聯

批判獻錦官西陲守正欲隨侍未至丁艱服闋報捐主事藉應北闈屢試不售遂改知縣分指雲南甫抵省卽爲大吏所器重知其長於刑名屢委讞差也旋權楚楚俗故無棉蔴不諳紡織正爲設房買機教之並修葺明倫堂籌撥產業以增膏火值庚子事變邊防尤重爲選丁壯編冊籍更班操練紀律肅然訊必在堂親自批判案無留牘凡諸興革皆以利民邑人愛如父母後署彌勒亦如之期滿旋省以差回籍病終于家子四次書球優貢生

以上據府志并訪冊

藍兆麟字仁山城廂人附貢性溫厚與物無忤邑中諸修築多率先不辭勞瘁知府劉體舒守潯以寇盜充斥急令兆麟

桂平縣志卷三四

紀人 賢能傳

二十

粵東編譯公司承印

董修城之役工固而不費尋艇賊犯城相持三月餘而城不壞乃其力也及變賊擄去迫之使降罵不絕口備諸考掠卒不屈死同治丁卯祀忠義孫慶芳光緒丙子舉人慶崧壬午舉人大挑二等授新寧州學正

劉惠人字子良廂人少孤貧大母撫之以鍼紉佐讀由道光丁酉拔貢授刑部七品小京官以大母憂回籍留辦團務擊艇賊於大黃江敗之敍功擢員外郎補河南司郎中座右常置陳文恭公四種遺規以自勗故居官清勤有聲兩次京察一等同治甲子授福建彰州知府時漳初平弁勇驕悍往往誣民爲盜惠人白制府置之法遂不敢肆民間子女或避賊

逃散多被豪強占爲奴婢惠人令送還家者無慮二三千人漳民德之丙寅兼汀漳龍兵備道事會游勇毀法人禮拜堂法以勢恫喝羣情洶洶惠人手書答廈門道曰法所恃者船堅礮疾耳漳水淺河隘不能長驅以闔郡之衆背城借一勝負未可知何必興無名之師耶法人得書事遂寢卒官之日橐無長物同寮賻之而後歸葬子三文鵠文鴛文鷺文鵠庠生文鷺臺灣基隆廳照磨

吳祖昌原名啓清字澄甫其先廣東南海人祖捷陞客潯及父才畧遂入桂平籍居廂外才畧孳孳爲善至老不倦嘗建南河義塚春秋祭埽無荒闕築宇西門外停貧不能葬諸櫬

桂平縣志卷三四

紀人 賢能傳

二一

粵東編譯公司承印

邑中他義舉多躬任之有子七人祖昌其最少也中道光辛丑進士由兵部主事擢郎中補山西道監察御史轉掌四川道授江西撫州知府居諫垣時會國家多故外夷內寇相尋無甯歲祖昌請於邊省建屯田以省徵調陳收復江南方畧上鈔法十四條籌廣西勦匪事宜查核廣西捐輸增廣中額學額設採訪局旌卹歷年殉難紳民婦女累數萬言皆切中時務糾彈不避權貴嘗抗疏劾兩廣總督某玩視海疆廣西藩司某虛糜軍饟臬司某防守不嚴一時憚其風采旣守撫州於是修城隍儲倉穀募勇丁以戒不虞越二年賊首李世賢汪海洋率十數萬人薄城下七閱月不得逞賊去加意撫

恤每聽訟至漏三下屬邑崇仁有黃氏六歲兒富而孤所聘婦翁掌其筦鑰族人爭訟之縣不能決祖昌察其皆不利孺子令校官權租入歲終報府兒長始歸之一郡稱平俗多溺女爲清理育嬰遺產不足節俸濟之立局以收棄孩全活甚衆郡有六邑書院久廢乃籌膏火課諸生士風一變巡撫沈葆楨察治行第一同治初元保奏才可大用得旨記名乙丑以保危城功加道銜明年調南昌府戊辰兼督糧道事尋以母憂歸生平儉樸廉介不妄取與凡僚屬餽遺皆不受愛才若不及有薦列至監司而不知出自祖昌者先後一保循良兩膺計典不及竟其用而卒著有三樹堂詩文集奏議多不

桂平縣志卷三四

紀人 賢能傳

二二一

粵東編譯公司承印

存存者僅國史方略館所採數疏光緒庚寅宣付國史館立傳 子邦祥英爽有經世志雲南石屏州知州葉燦章者故鄉人也請邦祥偕至石屏會回匪竄逼滇省大府檄使赴援邦祥隨燦章募鄉勇至省外不及十里而營大府誤中匪言議撫禁不得擅擊賊召燦章入城告以故匪旋撲營圍數日四面縱火城中坐視不敢出邦祥與二僕被執抗罵不屈遂遇害時咸豐戊午三月也 次子邦祺有吏才始爲諸生遂入貲以道員分發江蘇光緒庚辰辦金陵善後保甲局辛巳秋平反三牌樓盜案大學士左宗棠奏保得旨從優議敘案爲積年疑獄既得實乃斥罷當事文武員弁數人輿論稱快

其冬調辦皖南茶釐茶稅爲內地大宗自洋茶出於是華茶
滯銷商民交困邦祺悉心經畫舊弊全除公私便之戊子以
母憂留差先是蘇皖浙三省連年大水邦祺兼辦賑捐集金
錢至二十萬有奇督撫交章論列得旨加二品頂戴送部引
見未及行辛巳兩江總督劉坤一陞辭天語垂詢邦祺姓名
甚悉蓋大學士李鴻章先以善於理財入告也壬辰春正月
行赴江南歸卒於杭州孫惇蔭廣東候補知府邦祥所出上以

府志

張秉亮字春潭廬人少孤貧奮志力學工詩文年十五應童
子試知府孫世昌試以王瓜詩秉亮賦七言律三十韻奇之

桂平縣志卷三四

紀人 賢能傳

一三三

粵東編譯公司承印

道光壬午由優貢考取八旗官學教習時郡邑多盜歸與刑
部主事劉惠人倡辦團練禦賊於大潢江以功保知縣賞戴
藍翎艇賊任文炳乘夏漲犯潯州域秉亮馳馬仗劍率團勇
數十人拒賊於西郊賊圍擊戰而死事聞蔭雲騎尉府志西
昭忠錄云張秉亮字春潭桂平縣城內人以優行生貢太學
爲景山教習賊事起秉亮管邑中團練積軍功得知縣咸豐
二年正月艇匪任文炳等自蒼梧犯潯州乘亮與同邑團總
戶部主事劉惠人分南北河防堵卻之追奔至平南之觀音
閣以功復知縣賞戴藍翎領賊走上游爲橫州貴縣團練擊
敗四月復率衆下秉亮率練丁千人守西門外賊大至與戰
敗績秉亮隻身走田禾間賊突起乘亮將及秉亮大罵之
復揮劍傷其臂遂遇害秉亮常病弱體不勝衣其臨敵則勇
氣百倍與府志微有
異同並載以備攷

楊超元字箸樓上都里景樂村人幼聰慧十五爲諸生由咸

豐辛酉拔貢中同治壬戌舉人乙丑成進士改庶吉士戊辰散館授雲南通海知縣有政聲調易門縣升廣西直隸州辛未秋土匪李某聚黨數千人謀亂老山菁超元計斬之宥其脅從寇遂平土民生祠祀之壬申升澂江知府卒於官遠族有若葵字衛臣者世居下灣龍灘村臨桂訓導懋中子若葵中同治甲子補行辛酉科第三十三名舉人年少銳意進取至九上公車氣餒改名森於光緒十二年丙戌科登進士第得翰林院庶吉士時有司籍廠胥家產森言於當道以萬餘金產業撥入合邑賓興士林感甚散館改戶部主事後又改銓授廣東龍川縣抵省署遂溪縣知縣尋卒於官子紹點

桂平縣志卷三四

紀人 賢能傳

二四

粵東編譯公司承印

庠生

以上府志并訪册

周溯賢字葭浦廬人道光丙午舉人由辦團功選安徽英山知縣改江西東鄉縣咸豐戊午蒞東鄉賊氛未靖乃蠲逋賦集流亡訓團練借漕腳石八百錢爲辦團經費歲集錢八千緡事平抵輸民以爲便旬日團成會賊由閩竄江隣縣以次沒知東鄉有備不敢犯嘗修鐵牛陂游螺灘石江口高湖余家陂石閘四道浚溪溉田畝通舟楫又修書院立忠義祠建馬塘義倉積穀以備水旱皆捐廉爲之倡辛酉石達開竄擾興國安仁進賢等縣溯賢率東鄉團練隨大軍克復殲賊魁五人加同知銜調豐城尋以催科不力解任僅在豐兩月訊

結命盜數十案去之日民攀留不得請壬戌補貴谿辦廣信府行營支應局巡撫沈葆楨保奏循良得旨記名貴谿城三面皆圯僅南隅尚存乃議提漕錢數千緡倡築之人皆踴躍集事歲旱貧民假糴滋擾出糶常平穀人心遂安以卓異升義甯州知州是時江南浙江相繼恢復餘匪大股竄江西陷弋陽全省震動貴谿距弋六十里賊掩至攻城溯賢督練勇守陴越日援至練勇縋城出夾擊之賊潰散升吉安府知府以母憂歸追錄修城功保道員治貴三年凡修城垣置書院增膏火創育嬰堂及軍興諸役度支二萬緡有奇及歸翛然無長物晏如也未幾以道員起復會東鄉民抗糧格捕傷官

大府欲薙獮之民洵甚溯賢奉檄慰諭紳民置首犯數人論如律署督糧道故事屬吏清交代糧書多以正短腳長高下其手詳請漕腳及耗米隨正漕勻解著爲令其弊遂絕乙亥署按乃察使平反大案人稱神明巡撫某故安徽人嘗募皖兵爲親軍多驕縱不法戕傷民數人巡撫皇遽出府民以爲袒皖軍也乃大譟持械礮石至數千人事垂變溯賢與鹽法道王嵩齡素得民馳解之始散最後修江省城垣溝渠步行巡視以勞卒於役生平講求性命之學一以誠敬爲宗爲人寬宏樂易無疾言遽色外和而內介待人恕而律已極嚴與戚友往還恂恂似不能言遇事若無所可否者及是非疑似

之交則又較然不欺挺然不屈雖怵之以禍福利害亦不爲之稍奪也至其淡泊寡慾出於天性雖貴仍刻苦自勵儉約一如布衣非宴客食不兼味非朝祭服衣必數澣自州縣官至監司在江右前後垂四十年未嘗挈眷之宦所所至之處凡國計休戚民生利病所在悉心籌畫不厭求詳以故事無弗舉民皆安其政而服其教同治三年以母憂歸時已保升道員在藉辦團無少長貴賤悉推誠相與有所攀談欸語移日見者忘其爲達官服闋起用署督糧道再署按察使三皆弊絕風清悉稱其職咸同以來疆吏稱知人善任使爲上所倚重者以曾文正胡文忠沈文肅諸公爲最得其一言無有

桂平縣志卷三四

紀人 賢能傳

二六

粵東編譯公司承印

不立顯擢躋通要者及再出人方謂立可大用而浮沉既久卒不得補官甚至同列中有願資助赴都引見者悉遜謝之惟以義命自安胸次間曾無幾微稍憾卒之日江右士民無論識不識罔不欷歔流涕思遺愛於不衰同官臨其喪蕭條旅館冷氣逼人牙簽書劍外別無長物著有稼初堂雜著子學麟候補通判學禮國學生孫仕道附貢生衡道廣東候補縣丞秉道己丑進士官工部主事改廣東知縣徽道生員林宜烜字睿圃其先廣東高明人清朝占籍桂平居廂內道光丙申學使池生春選拔潯州得宜烜卷再試再第一既而以資當貢謂其文可命中不果拔自是省闈十七試卒不中

常授徒桂平貴縣間歲輯同學譜首列立志端品勤業敦誼
四條以故門下士聚相勉散相勗而成進士領鄉薦貢明經
列庠序者二百餘人門牆之盛時未嘗有也咸豐甲寅乙卯
間賊擾東粵獨羅岸汜州不受脅賊銜之率其黨肆焚掠宜
烜與鄉人譚海觀陰糾六堡五十九鄉倡集民團賊遁去則
擒其餘黨置之法六堡晏然以功得六品頂戴賞不償勞著
有課藝偶存若干卷雜箸若干卷詩若干卷子植棠丁酉拔
貢山西五臺知縣

陳惟清字洛東道光庚戌由廩生辦團浔保知縣咸豐丁巳
謁選辛酉揀發江西同治壬戌署廣昌知縣明年以憂歸士

桂平縣志卷三四

紀人 賢能傳

二七

粵東編譯公司承印

民立碑誌去思焉將去廣之士有請於校官劉詩舫紀其政
者曰吾邑侯大有造於茲土願夫子叙其梗概傳世無窮詩
舫子曰子以爲奚若生曰人情莫不欲利惟我陳侯清白傳
家淡泊明志請謁弗通包苴靡入事上以禮取民有制如其
弗道千駟弗視吾侯廉哉人情莫不好逸惟我陳侯夜寐夙
興勞心焦慮昔時豺獄肩摩足抵今則空虛民鮮犯義昔時
案牘冗穢弗治今如繭應控斷隨之吾侯勤哉人情莫不有
蔽惟我陳侯聰穎內含神光外射吏無售奸民無蓄詐兩造
具詞懷讒蘊怒片言折之肝膽呈露手操玉尺魚不混珠兩
張鐵網悉采璠瑚吾侯明哉人情莫不有偏惟我陳侯日愛

趙衰雨膏郇伯憫民之愚口講指畫憫民之顛左扶右掖夏
咨暑雨冬念祁寒窮簷疾苦息息相關校士廣庭藏修淨几
大廈鼎新惠我多士吾侯仁哉詩舫子曰子言善政亦知善
政所自來乎生曰未知之也詩舫又曰天下無欲之謂廉不
則沽名沽名者偽盡職之謂勤不則喜事喜事者躁喻義之
謂明不則任智任智者偏扶義之謂仁不則姑息姑息者隘
惟我陳侯廉於克己清心寡欲而廉有真也勤以體政爲民
請命而勤不息也知以行權度理準情而明無方也仁於植
德學道愛人而仁有本也陳侯之學誠也陳侯之政亦誠而
已矣己巳署建昌有盜司馬氏屍者數易官不能踪跡惟清

桂平縣志卷三四

紀人 賢能傳

二八

粵東編譯公司承印

既視事大吏嚴檄切責期一月具獄一日禱於城隍歸適有
瘍醫來故丐也假寐夢神告曰丐知之矣寤而詰曰汝知司
馬事乎對曰知之卽丐者所爲顧非小人耳立拘丐者至一
訊而服大吏益奇其才南昌安義建昌三縣交衢有客販洋
藥者死於盜而滅其屍三縣令懸賞購緝不敢後建昌地瘠
賞特薄未幾新建役獲盜不解他兩縣獨解建昌惟清問曰
汝不欲多得金耶役曰公政廉平是以來耳丙子代理南城
不兩月訊結五十餘案興廢振滯頌聲大作士民爭揭歌謠
於衢路稱陳青天受知於巡撫沈葆楨其後移督兩江鄉人
陳庚銓字蘭谷者手一卷謁曰此廣昌人士叙陳令洛東政

績也葆楨書其後曰洛東之治廣昌也余知之惜其去之速耳然已入人之深如是况其久焉者乎余老矣屏退弗能自堅扶病再出又一無所補於民憑蘭谷寄語洛東其何以藥之生平長於聽斷抉摘如神故所至有聲性嚴毅而介不妄請謁需次二十年不能補一官父常憲故豐於財所遺產不下數萬金母弟六人友愛不分畛域析產曰他皆不占獨占破屋一間分與賴氏孀姊居卒之日同僚賻而後歸以上府志賀階平號慶唐廂人增廣生善書能詩有韜略咸同間爲總局團長邑令徐延旭出團勦土寇姚新昌新昌勢大漫縣南波及容鬱猝未易取慶唐參謀決勝卒擒新昌報上授教諭

桂平縣志卷三四

紀人 賢能傳

二九

粵東編譯公司承印

鹿令丈田官產被侵隱者多藉查回卽銓灌陽教諭光緒七年全州蔣雄爲亂搖動郡縣灌城岌岌慶唐慨然與縣令設法防敵設團嚴守四隘賊知有備不敢來擾大吏廉悉保陞柳州教授加六品銜壽七十二而卒子憲章邑庠任宜比縣孫恩光亦邑庠

程嘉謨字弼臣居城南軍陵里官河村幼在塾誦經傳殆遍年十三以洪楊事起世亂輟讀二十五始受業於貢生張世珍自以時過而學恐不及發憤忘寢食越五年爲郡諸生旋食廩歲科試時列一等應秋闈屢薦不售年當強仕因教學積勞咯血亟調養遂絕意科舉以貢生終其身壽五十八平

生品性端方仁厚弱冠時曾拒少婦之挑數十年未嘗語其事於人有知而詢之者必正色答曰無是事鄰里有被命案誣累者爲申得直酬之百金不受曰吾爲義非爲利也衆服其德鄉間排解咸推讓之光緒十二年邑紳黃榜書創立闔邑賓興嘉謨在里內勸捐得千餘金助成其事十四年復創立本里賓興捐款不多而能掌之以勤守之以潔遂積微成鉅十八年購館於廂內福壽坊以居應試士子並祀鄉先輩木主復置田出息津助歲科試及春秋兩闈盤川今里內高等小學堂歲費復仰給焉好善惡惡出於至誠見人佳子弟輒隨處揄揚每從靜處婉規人過子弟有談人陰事或見笑

之行者則怒目示戒訓徒規矩整肅每講經關於立身行己者恒反覆推論務使聽者悅從清代功令文必依朱註學者於六藝傳記之文多因讀注過時不能多誦嘉謨病之教子弟先以詩書易禮春秋而後及於四子程朱各說從緩又以通經在於識字子大璋幼時日摘詩書文數十令翻字書解之釋助詞則用最近方言其於漢學家治經門徑雖未嘗得師而自然暗合也深嫉陝人路德時藝惡其東縛人材語人曰世間事業殊多大者立功德於天下後世不爾亦當窮究經史著述名家路德文卽佳亦時藝耳奚必以此自困云云性嚴正鄉黨畏而敬之稠人廣衆中方諧笑見其至必肅然

歛容歿後至今二十餘年猶稱道不置

以上采訪

姚鍾璜字偉英秀一里馬平村人讀書強記善悟往日童子應府縣試俱挾書入場官不能禁獨鍾璜無片紙隻字之携携者筆墨而已既遊泮爲舉子文遠追明代金聲陳際泰諸大家風格之高儕輩罕與其比光緒己丑登賢書第二人知府王賡榮得硃卷決其連捷頗恨所知之晚越年果中進士以知縣官嶺南應吏課輒列前茅李文忠與總督張人駿皆爲器重未幾委宰長樂會有教案棘手前任以此奪職鍾璜至洋員要挾語詭而倨鍾璜與語侃侃無所畏曰吾以文三篇得官百里不費一錢苟有不便於民吾必始終力爭吾知

桂平縣志卷三四

紀人 賢能傳

三一

粵東編譯公司承印

有民不知有官也洋員色沮知難而退事定懸書勸學俊秀多來就正其地試士歷來苞苴盛行榜前五十名皆以貲取鍾璜一洗陋習務得真才榜發士論翕然前第十人應道試只落其一文宗獎其睿鑒去時邑紳送以詩褒然成集再任宰河源治盜平獄諸事迎刃而解綠林尤懾服臨去盜騰舞譁言將攻城紳民失措遮留乞示鍾璜立地朱書數行謂當坐鎮盜遂止三晝夜無患及登舟停槳江側則星夜火光燭天殺聲震四野矣憮然太息而去年四十九率於粵陸顯書號乙照宣一里下瑤村人性慧敏負經世才中光緒己卯科舉人制義不尙剽竊一以清真雅正爲宗尤長於治

事之文每秉筆一揮立就觀者欲稍竄易不能也光緒戊戌大挑二等選思恩縣教諭俸滿保薦知縣部議報罷歸里任學務公所所長以謙抑待後輩各事集思廣益成績昭然值地方不靖盜賊蜂起當道知其能委辦桂北三里團局捕獲要匪以保陞知縣分發廣東奉檄辦清鄉盜息民安長吏倚重將任煩劇遽抱病歿不竟其用卒年五十餘以上訪冊黃榜書字少瀛居縣北宣一里古蓮村幼而志學制藝法前明清初諸大家兼攻詩古文辭邑令陳如金愛其才試四場皆取冠軍旋以案首選諸生先是邑俗惑於形家言親葬後復檢骸入罈露寄邱隴崖坎間遷延不葬風日吹暄不堪聞

桂平縣志卷三四

紀人 賢能傳

三三一

粵東編譯公司承印

覩光緒丁丑學使歐陽保極試潯州借經義砭俗以孝子仁人掩其親命題得榜書卷大稱旨取第一批云不愧仁孝膳布所試各郡已外登賢書己丑大挑取知縣是年成進士授主事籤分戶部雲南清吏司甲午中日戰起隨岑太僕出軍山左巡撫李秉衡奏調山東援軍營務提調越年丁父艱回籍服闋旋京改廣東直州庚子兩宮西狩命岑春煊督陝榜書與之書有云宜合天下之材能以爲材能而不自矜其才能因天下之喜怒爲喜怒而不自有其喜怒其言肫切藹然仁者癸卯岑督師西征委幫辦營務事平回粵以賑捐出力獎二品銜鼎革後歸隱卒於家生前事父至孝食必具甘旨

問所欲而進出入則携杖而隨依依愛慕如孺子庚辰下第
館湖北歐陽學使家講論語至不遠遊章潛然泣下卽辭歸
侍養己丑農部假歸以父春秋高戀侍六年不肯出父勉之
乃行及父卒在黃縣營次奔抵里門沿途匍匐哭盡哀旣厝
廬墓逾稔母早逝事繼母如所生更善事季父母季父卒任
喪葬費無所吝授徒循循善誘情懇摯如父兄之於子弟以
一邑之大不可無育才之所迺呼衆捐欸購產設館爲闔邑
賓興手定條約士子歲科試及春秋兩闈與內官供職於京
者皆津助之乙巳後邑中新政迭興如勸學所師範中學蠶
業諸學堂與地方自治無不憑藉賓興成立飲水思源咸以

桂平縣志卷三四

紀人 賢能傳

三三三

粵東編譯公司承印

爲榜書功初郡守夏敬頤聘榜書協終府志榜書爲編洪秀
全起事始末惻然念及本鄉死事者向無血食爲倡建忠義
祠復爲鄉先輩黃體正請祀鄉賢將所著帶江園集付梓其
見義勇爲若天性然候補直州時充緝捕總局文案兼幫審
研鞫細心歷年積案多所平反過道班後爲軍醫學堂總辦
以中西醫術互有短長添聘中醫教習立爲專科復設施診
所命教習率學生診疾驗其成效就診者免藥費陸軍部會
考軍醫成績以廣東爲最優榜書力也歸隱後衆皆剪髮已
則編結如故日以修先人塋塚爲事與子弟門生相見所言
無非倫常大義歲丙辰政府清賦奉行者志在增額聚斂至

征及雜糧民尤苦之榜書亟起奔潯梧開會諸紳至肇慶謁軍政府岑春煊陳利害并遍函津要爲民請命通告全省郡縣舉人會邕懇當事將所加賦改爲軍需期異日得免雖未奉可而督軍陳炳昆惻然動念命雜糧免稅舊額重者並得減免卒後舉人陳松輓以聯云文章比唐宋科第繼劉楊綱常立夷夏防維爲表爲坊老檜參天標後勁治績著農桑宦情銷粵海身世感滄桑閱歷不污不染古蓮遺迹哭先型論者以爲無溢詞也著有潯州府志摘謬一卷記異一卷詩稿二卷文稿八卷興商條議一卷棉業叢書彙譯新篇一卷防飢會章程一卷北諺語二卷

采訪

桂平縣志卷三四

紀人 賢能傳

三四

粵東編譯公司承印

賴鶴年字耘芝性穎敏少孤祖母陳與母廖皆節婦撫訓得成人語在列女傳鶴年刻苦向學弱冠補博士弟子越年選癸酉科拔貢光緒元年乙亥薦於鄉任興安縣學教諭會試歸過閩閩督何璟延教子姪見所作文許爲遠到才壬辰成進士授編修乞假歸奉旨爲祖母及母建坊旌表節孝俱詳列女傳事畢北上官京秩一年過道員甲午中日戰起臺灣巡撫唐景崧奏調留臺灣駐滬督辦糧台兼營務處和議旣成川督鹿傳霖奏調赴川甫至卽委以洋務金礦商務保甲諸局督辦鶴年素諳時務熟約章遇交涉無不根據力爭洋人欽而畏之復召商開金鑛雖事屬創舉而善能因勢利導

民無疑梗未及一年鑛場成立者十數所授川東兵備道值所屬患蛟山崩河道爲塞水泛濫行舟多壞巴東諸縣均受其變迺通牒濬河以洩水勢號新灘舟行始安復設局爲農田興水利兼築堤防浸創立時務學堂算術館及尊經書院造就人材甚多旋理四川布政使仍兼辦洋務諸局著居官規約四條曰勤政慎刑潔己愛民布諸地方有司土豪余蠻子仇教抗官聚衆萬餘蹂躪十數州縣鶴年爲督兵分別勦撫殲渠赦脅頗盡其勞以目疾乞休歸里卒年五十有五性愛藏書架櫺環四壁目錄之富甲黔鬱間古文師姚惜抱得其神髓自開邑以來文章之有家法可指者實自鶴年始也

桂平縣志卷三四

紀人 賢能傳

三五

粵東編譯公司承印

書體初寫歐顏中年習李北海有遊龍藏寺記及千字文等帖傳世臨池者寶之著歷代文實雙節堂文集子瓊邑諸生早逝瑾癸卯進士授吏部主事改官知縣歷任賀縣龍川惠陽德慶各縣知事以籌餉功保荐記名道尹

謝宗清原名鳳毛字蓮規居宣一里王舉村少好學家貧營小貿易暇則展卷而誦恒自宵達旦旣入學旋肄業於廣雅書院知縣王仁鍾與有嫌衣頂被革以監生應中辛丑恩科副貢癸卯科舉人丁未以籌賑出力獎京職籤分度支部主事庚戌春正月部奏派查粵桂鹽務事竣回京力陳粵鹽不能加稅其年冬十一月復奏派調查滇黔鹽務差次雲貴總

督李經羲奏留雲南會辦鹽政兼充鹽廳廳長於產鹽之地皆躬臨察究不避霜雪辛亥回藉著書留別竈紳並上各當道大旨在於國計民生宜兩者兼顧民國任省議會議員值袁氏稱制以鹽稅抵押借外債宗清電通國抵抗並著借款亡國書刊行觀者感動戊午統領莫正聰聘任參謀就席未久以病辭歸卒於家時民國八年三月一日也生前篤於孝友未領薦時遭祖母喪父病宗清亦在病中強起侍父湯藥屏息忍痛無使父知父卒與祖母同時出殯一年重遭大故經營喪葬不以貧而廢禮有弟號渭軒爲捐巡檢相處怡怡如也文章廉悍說理財尤警切

以上採訪